

საჯარო სამართლის იურიდიული პირი-

ბათუმის შოთა რუსთაველის სახელმწიფო უნივერსიტეტი

ბრძანება № 01-02/188

ქ. ბათუმი

29 ივლისი, 2022 წ.

ბსუ-ს საბუნებისმეტყველო მეცნიერებათა და ჯანდაცვის ფაკულტეტის
სუბსპეციალიზაციის პროგრამაზე „პირის ღრუს ქირურგიული სტომატოლოგია“
მიღების გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, „რეზიდენტურის ალტერნატიულ დიპლომის შემდგომ განათლებაში (პროფესიულ მზადებაში) მონაწილეობის, მისი წარმართვისა და შეფასების წესისა და იმ სამედიცინო დაწესებულებების ან/და სასწავლებლების აკრედიტაციის კრიტერიუმების და წესის დამტკიცების შესახებ, რომლებშიც შესაძლებელია დიპლომის შემდგომი განათლების (პროფესიული მზადების) კურსის გავლა“, საქართველოს შრომის, ჯანმრთელობისა და სოციალური დაცვის მინისტრის 2009 წლის 8 აპრილის №135/ნ ბრძანების, „დიპლომის შემდგომი განათლების (პროფესიული მზადების) პროგრამების განხორციელების წესის დამტკიცების შესახებ“ ბსუ-ს აკადემიური საბჭოს 2010 წლის 23 დეკემბრის №135 დადგენილების, საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სამედიცინო და ფარმაცევტული საქმიანობის რეგულირების სააგენტოს უფროსის მოადგილის (№02/14169 29.01.2021წ.) წერილის, სტომატოლოგიის დარგობრივი დეპარტამენტის ხელმძღვანელის, მ. ბაქრაძის MES 8 22 0000852707 28/07/2022) სამსახურებრივი ბარათის საფუძველზე

ვბრძანებ:

1. გამოცხადდეს მიღება ბსუ-ს საბუნებისმეტყველო მეცნიერებათა და ჯანდაცვის ფაკულტეტის სუბსპეციალიზაციის პროგრამაზე „პირის ღრუს ქირურგიული სტომატოლოგია“, შესაბამისი პროგრამის სპეციალობის მაძიებელთა კვოტების ფარგლებში – 3 ადგილი;
2. კონკურსანტთა განცხადებები და დოკუმენტაცია (წინამდებარე ბრძანების დანართის 1-ის შესაბამისად) წარმოდგენილი იქნეს ბსუ-ს საქმისწარმოების სამსახურში (კანცელარია), 2022 წლის 1 აგვისტოდან 26 აგვისტოს ჩათვლით, 10:00 სთ–დან 17:00 სთ–მდე პერიოდში.

3. კონკურსანტთა რაოდენობა თუკი გადააჭარბებს მისაღებ ადგილებს (კვოტას), საუკეთესო გამოვლინდეს შესაბამის სპეციალობაში ჩატარებული ტესტირების შედეგად.
4. გამარჯვებული კონკურსანტების შესაბამის პროგრამაზე ჩარიცხვის შესახებ ბსუ-ს რექტორის ბრძანება გამოიცეს კონკურსის შედეგების შესახებ პროგრამის ხელმძღვანელის მიერ სამსახურებრივი ბარათის საფუძველზე.
5. ბრძანება საჯარო გამოცხადების მიზნით გამოქვეყნდეს ბსუ-ს ოფიციალურ ვებგვერდზე, ასევე განთავსდეს ბსუ-ს საქმისწარმოების სამსახურთან (კანცელარია) და საბუნებისმეტყველო მეცნიერებათა და ჯანდაცვის ფაკულტეტის დეკანის ოფისთან არსებულ საინფორმაციო დაფებზე.
6. დაევალოს ბსუ-ს საბუნებისმეტყველო მეცნიერებათა და ჯანდაცვის ფაკულტეტის სტომატოლოგიის დარგობრივ დეპარტამენტს უზრუნველყოს წინამდებარე ბრძანების შესაბამისი განცხადების ტექსტის მომზადება და დადგენილ ვადაში ბსუ-ს ვებგვერდზე განთავსებისათვის საინფორმაციო ტექნოლოგიების სამსახურისათვის წარდგენა (web@bsu.edu.ge).
7. ბრძანება სახელმძღვანელოდ და აღსასრულებლად დაეგზავნოს ბსუ-ს შესაბამის სტრუქტურულ ერთეულებს: საბუნებისმეტყველო მეცნიერებათა და ჯანდაცვის ფაკულტეტს, სასწავლო პროცესის დეპარტამენტს, ბსუ-ს საქმისწარმოების სამსახურს (კანცელარია) და საინფორმაციო ტექნოლოგიების სამსახურს.
8. ბრძანება ამოქმედდეს ხელმოწერისთანავე.
9. ბრძანება შეიძლება გასაჩივრდეს მოქმედი კანონმდებლობით დადგენილი წესით ბათუმის საქალაქო სასამართლოში (ქ. ბათუმი ზუბალაშვილის ქ. №30), მისი გამოცემის დღიდან ერთი თვის ვადაში.

რექტორი, პროფესორი



მერაბ ხალვაში

ბსუ-ს საბუნებისმეტყველო მეცნიერებათა და ჯანდაცვის ფაკულტეტის
სუბსპეციალიზაციის პროგრამაზე „პირის ღრუს ქირურგიული სტომატოლოგია“
მიღების გამოცხადების შესახებ

ბსუ-ს რექტორის 2022 წლის 29 ივლისის N 01-02/188 ბრძანების

დანართი 1

ცხადდება მიღება ბსუ-ს საბუნებისმეტყველო მეცნიერებათა და ჯანდაცვის ფაკულტეტის სუბსპეციალიზაციის პროგრამაზე „პირის ღრუს ქირურგიული სტომატოლოგია“, (ხანგრძლივობა-3 თვე) შესაბამისი პროგრამის სპეციალობის მაძიებელთა კვოტების ფარგლებში, კერძოდ:

- მისაღები - 3 ადგილი;
- კონკურსანტის მიერ წარმოდგენილი უნდა იქნეს შემდეგი დოკუმენტაცია:

ა) განცხადება;

ბ) უმაღლესი სამედიცინო განათლების დამადასტურებელი საბუთი (დიპლომის ნოტარიულად დამოწმებული ასლი);

გ) თერაპიულ ან ორთოპედიულ სტომატოლოგიაში დამოუკიდებელი საექიმო საქმიანობის დამადასტურებელი სერტიფიკატის ნოტარიულად დამოწმებული ასლი;

დ) ავტობიოგრაფია (cv);

ე) ფოტოსურათი 3x4 – 2 ცალი;

ვ) პირადობის დამადასტურებელი მოწმობის ასლი;